



Broj: T01 0 KT 0042635 23
Dana, 06.03.2025. godine

OPĆINSKOM SUDU U VELIKOJ KLADUŠI

Na osnovu odredbe člana 45. stav 2. tačka h), a u vezi sa odredbom člana 241. stav 1. i odredbom člana 350. stav 1. i 2. Zakona o krivičnom postupku F BiH, **podizem:**

OPTUŽNICU

PROTIV:

1. O. A.
2. Č. E.
3. Č. R.

ŠTO SU

Dana 10.01.2023. godine, oko 12,30, u naselju M. K., zaseok M., Općina V.K., pustili svoja tri psa miješane pasmine, iz svojih neograđenih dvorišta i to bez izravnog čuvanja i nadzora na lokalni put, a koji nisu imali zaštitnu korpu-brnjicu, svjesne da na taj način mogu izazvati opasnost za život i tijelo ljudi ili imovinu i pristajući na zabranjenu posljedicu, pa su psi, otišli do ograđenog tora za ovce koji se nalazi u blizini njihovih kuća, u kojem se nalazilo 86 ovaca i 23 janjeta, vlasništvo D. R., nakon čega su ušli u tor i napali ovce nanijevši jednoj ovci, ušnih oznaka [REDACTED], ugriznu ranu u predjelu zadnje lijeve noge, veličine 2-3 cm, a jedno janje je zatečeno bez vidljivih rana i krvarenja u ležećem položaju i nije se moglo oslanjati na ekstremitete zbog pretrpljenog straha i stresa, dok je drugo janje zadobilo ugriznu ranu na desnoj strani vrata sa krvarenjem, od kojih posljedica su ovca i janjad krepali, načinivši vlasniku štetu u iznosu od oko 950,00 KM.

Dakle, držale pse bez odgovarajuće zaštite i bez izravnog čuvanja, nakon čega su psi načinili materijalnu štetu na imovini drugog lica.

Čime su počinile krivično djelo - Nesavjesno čuvanje pasa i drugih opasnih životinja iz člana 327. stav 1. KZ F BiH, u vezi sa članom 31. istog zakona.

Na osnovu izloženog, a temeljem odredbe iz člana 350. stav. 1. i 2. ZKP-a F BiH, predlažem da Sud donese presudu kojom se osumnjičene O. A., Ć. E. i Ć. R., oglašavaju krivima za krivično djelo iz optužnice i izda **sljedeći**:

KAZNENI NALOG

OPTUŽENIMA O. A., Ć. E. i Ć. R., ostali podaci kao u optužnici, zbog krivičnog djela Nesavjesno čuvanje pasa i drugih opasnih životinja iz člana 327. stav 1. KZ F BiH, u vezi sa članom 31. istog zakona, **i z r i č e s e**

UVJETNA OSUDA

Kojom se optuženima O. A., Ć. E. i Ć. R., za učinjeno krivično djelo Nesavjesno čuvanje pasa i drugih opasnih životinja iz člana 327. stav 1. KZ F BiH, u vezi sa članom 31. istog zakona, utvrđuje kazna zatvora u trajanju od 30 (trideset) dana i istovremeno se u smislu odredbe člana 62. KZ F BiH određuje da se utvrđena kazna neće izvršiti ukoliko optužene u roku od 1 (jedne) godine od pravomoćnosti presude ne počine novo krivično djelo.

Na osnovu toga stavljam

**P r i j e d l o g
dokaza koje treba izvesti**

- 1. Da se ispitaju svjedoci:**
- 2. Da se izvrši uvid i/ili pročita:**

REZULTATI ISTRAGE

Dokazi koji potkrepljuju navode optužnice:

KANTONALNI TUŽILAC